

Laugardagana fyrir hvítasunnu og páska skal lokað kl. 5 e. h.

Á aðfangadag jóla og gamlaársdag skal lokað kl. 4 e. h.

Á tímabilinu frá 15. júní til 31. ágúst skal lokað á laugardögum kl. 4 e. h.

173

16. okt.

3. gr.

Þá, sem komnir eru inn á rakarastofur fyrir lokunartíma, er heimilt að afgreiða eftir að lokað er.

4. gr.

Lögreglustjóra er heimilt að veita undanþágu frá ákvæðum þessarar samþykktar, þegar sérstaklega stendur á.

5. gr.

Brot gegn samþykkt þessari varða sektum, 20—500 krónum, og renna sektirnar í bæjarsjóð.

Mál út af brotum á samþykktinni skal reka sem almenn lögreglumál.

Samþykkt þessi, sem gerð er af bæjarstjórn Akureyrar, samkvæmt lögum nr. 17 1. febrúar 1936, staðfestist hér með til þess að öðlast þegar gildi, og birtist til eftirbreytni öllum þeim, sem hlut eiga að máli.

Félagsmálaráðuneytið, 16. október 1941.

Stefán Jóh. Stefánsson.

Páll Pálmason.

SAMÞYKKT

174

16. okt.

fyrir Veidifélag Reykjakvísar.

1. gr.

Félagið heitir Veidifélag Reykjakvísar. Heimili þess og varnarþing er á Hveravöllum.

2. gr.

Markmið félagsins er:

- a. að gera fiskveg upp yfir fossa þá, er nú tálma fiskför í Reykjakvísl;
- b. að vinna að fiskrækt;
- c. að afla félagsmönnum tekna með því að leigja út til stangaveiða vötn þau, er félagið ræður yfir.

3. gr.

Félagið hefur umráð yfir öllum veiðirétti í þessum vötnum: Reykjakvísl frá upp-tökum fiskvegarins í Gljúfrum, Langavatni, Geitafellsá og Kringluvatni, ásamt þeim vötnum öðrum, sem í þessi renna.

Félagsmenn eru ábúendur þessara jarða: Þverár, Holtakots, Stóru-Reykja, Litlu-Reykja, Hveravalla, Laufahlíðar, Brekknakots, Klambarsels, Langavatns, Geitafells, Kasthvamms, Presthvamms, Klambra, Brekku, Yztahvamms, Ness og Árbótar.

4. gr.

Óheimilt er öllum öðrum en félaginu að stunda veiði í vötnum þeim, sem talin eru í 3. gr., nema með sérstöku og skriflegu leyfi félagsstjórnar. Skal þar tekið fram

147 um veiðitíma og veiðitæki og með hvaða kjörum leyfið er veitt. Heimilt er félagsmönnum silungsveiði, en skylt er þeim að hlíta þeim reglum, er félagið setur um þá veiði.

5. gr.

Heimilt er félagsstjórn að leigja veiðivötn félagsins til stangaveiði, ef sýnilegt þykir, að það sé hagur fyrir félagið. Þó má það leyfi eigi vera til lengri tíma en eins árs í senn, nema lögmætur félagsfundur samþykki.

6. gr.

Stjórn félagsins skipa 3 menn, formaður og tveir meðstjórnendur og 3 varamenn. Skulu þeir kosnir á aðalfundi til þriggja ára í senn, og gengur einn úr fyrsta og annað árið eftir hlutkesti, en síðan helzt sama röð. Enginn atkvæðisbær félagsmaður getur skorazt undan kosningu í stjórn nema lögleg forföll séu, eða hann hafi setið þar þrjú næstliðin ár.

7. gr.

Stjórnin hefur á hendi umsjón með öllum framkvæmdum félagsins. Formaður er fulltrúi félagsins út á við og hefur umsjón með störfum þess og fjárreiðum öllum. Stjórnin skiptir sjálf með sér verkum. Afl atkvæða ræður úrslitum mála á stjórnarfundum. Heimilt er stjórninni að taka lán til félagsþarfa, ef nauðsyn krefur, en leita skal hún samþykkis félagsfundar um lántökuna.

8. gr.

Aðalfundur heldur félagið í janúarmánuði ár hvert. Er aðalfundur lögmætur ef hann er boðaður skriflega og sé fundarefnis getið í fundarboði og fullur helmingur félagsmanna mættur. Á aðalfundi skýrir stjórnin frá störfum félagsins á liðnu ári og leggur fram áætlun og tillögur um starfsemi þess næsta ár. Þar leggur hún og fram reikninga félagsins endurskoðaða og úrskurðar fundurinn um þá.

Reikningsár félagsins er almanaksárið.

Aðalfundur kýs stjórn félagsins og varastjórn, tvo endurskoðendur félagsreikninga og tvo til vara. Kveður hann á um þóknun til félagsstjórnar fyrir störf hennar. Afl atkvæða ræður úrslitum mála á fundum félagsins, nema um breytingar á félagslögum og félagsslit.

9. gr.

Aðra félagsfundi heldur stjórnin þegar henni þykir ástæða til, eða ef $\frac{1}{4}$ félagsmanna æskir þess og tilgreinir fundarefni.

10. gr.

Tekjur félagsins skiptast milli félagsmanna eftir arðskrá, er lögmætur félagsfundur samþykkir og $\frac{2}{3}$ félagsmanna hafa undirritað. Gildir hún til 5 ára í senn. Þó er þeim, sem vanhaldinn telur sig um skiptingu arðs, heimilt að krefjast mats samkvæmt 83. gr. laga um lax- og silungsveiði. Náist ekki samkomulag um nýja arðskrá að liðnum 5 árum, gildir gamla arðskráin áfram, þar til ný arðskrá er samþykkt. Félagsmenn taka þátt í stofnkostnaði og greiða öll gjöld til félagsþarfa, í þeim hlutföllum, sem arðskrá ákveður.

11. gr.

Samþykktum þessum verður ekki breytt nema á aðalfundi og séu $\frac{2}{3}$ atkvæða með breytingunni. Félaginu má slíta eða sameina það öðru félagi, ef félagsmenn samþykkja það á tveim fundum í röð með $\frac{2}{3}$ mættra atkvæða.

12. gr.

174

Brot gegn samþykkingum þessum varða sektum frá 10—200 króna, og er veiði eða andvirði hennar upptækt og renni í félagssjóð. 16. okt.

Samþykkt þessi staðfestist hér með samkvæmt lögum nr. 61 23. júní 1932 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 16. október 1941.

Hermann Jónasson.

Gunnl. E. Briem.

ARÐSKRÁ

175

16. okt.

fyrir Veiðifélag Reykjakvíslar.

Nöfn jarða:	Arðeiningar:	Nöfn jarða:	Arðeiningar:
Þverá	40	Geitafell	100
Holtakot	75	Kasthvammur	40
Stóru-Reykir	70	Árhvammur	40
Litlu-Reykir	60	Presthvammur	30
Hveravellir	60	Klömbur	75
Laufahlíð	30	Brekka	40
Brekknakot	45	Yztihvammur	60
Klambrasel	100	Nes	80
Langavatn	80	Árbót	75

Arðskrá þessi staðfestist hér með samkvæmt lögum nr. 61 23. júní 1932 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 16. október 1941.

Hermann Jónasson.

Gunnl. E. Briem.

REGLUGERÐ

176

17. okt.

um skipun slökkviliðs og brunamála í Seyðisfjarðarkaupstað.

I. KAFLI

Um skipun brunamálanefndar og verksvið hennar.

1. gr.

Brunamálanefnd er skipuð 3 bæjarfulltrúum og slökkviliðsstjóra. Auk þess á bæjarstjóri sæti í nefndinni og er hann formaður hennar. Um kosningu nefndarinnar fer með sama hætti og annarra fastra nefnda bæjarstjórnar, og skal hún kosin til sama tíma.

Brunamálanefnd hefur á hendi, undir umsjón bæjarstjórnar, stjórn brunamála kaupstaðarins, að svo miklu leyti, sem starfið heyrir ekki beinlínis undir slökkviliðsstjóra eða lögreglustjóra. Hún skal hafa eftirlit með því, að ákvæðum brunamálaaganna og reglugerðar þessarar sé í öllu fram fylgt.